

Starfslýsing - ferðanefndar

1. Nefndin heitir ferðanefnd. Fjöldi fulltrúa í nefndinni er 7.
2. Á fyrsta fundi eftir aðalfund kýs nefndin sér formann, ritara og gjaldkera til eins árs. Formaður tilkynnir stjórn félagsins (ritara) um verkaskiptingu nefndarinnar að loknum fundi.
3. Hlutverk nefndarinnar er að bjóða félagsmönnum í Félagi eldri borgara á Akureyri árlega upp á ferðalög á vegum félagsins innanlands og til annarra landa.
4. Nefndin annast allan undirbúning hvernar ferðar s.s. auglýsingar, kynningar, fararstjórn, fjármál, ferðamáta, gistingu, veitingar og annað sem tilheyrir dagsferðum eða lengri ferðum.
5. Hefð er fyrir því að nefndin bjóði upp á 1-2 utanlandsferðir árlega. Innanlandsferðir eru tvær sem taka 3 til 4 daga hvor um sig og tvær ein dags ferðir. Leikhúsferðir eru farnar í nágrennið.
6. Hefð er fyrir því að ferða- og skemmtinefnd félagsins starfi saman að því að bjóða félagsmönnum árlega upp á jólahlaðborð í desember á Akureyri eða í nágrenni bæjarins.
7. Nefndin ber ábyrgð á því þegar ferðakynningu eða öðrum viðburðum á hennar vegum í salnum í Bugðusíðu lýkur að ganga frá í sal, loka gluggum, slökkva ljós og læsa hurðum.
8. Nefndinni er heimilt að bjóða félagsmönnum betri kjör, en þeim sem eru utan félagsins, í ferðir og á viðburði sem nefndin stendur fyrir. Félagsmenn njóta forgangs í allar ferðir sem farnar eru á vegum félagsins.
9. Nefndin hefur aðgang að skrifstofu félagsins í Bugðusíðu til fundahalda og geymslu á því sem tilheyrir starfsemi. Nefndin skráir fundi í dagbók sem þar liggur frammi. Stjórnarfundir og viðvera stjórnarmanna á skrifstofu njóta forgangs varðandi notkun á skrifstofunni.
10. Nefndin heldur til haga skriflegum gögnum sem verða til í starfi hennar s.s. fundargerðir o.fl. Gögnin skulu geymd á skrifstofu félagsins. Nefndin hefur aðgang að tölvu á skrifstofunni og sitt heimasvæði fyrir gögn sem heppilegt er að geyma á rafrænu formi.
11. Nefndin auglýsir fundi og ferðir í fjölmiðlum og einnig á heimasíðu félagsins. Tilkynningar, myndefni, fréttir og annað efni er æskilegt að birt sé á heimasíðu félagsins í samráði við umsjónarmenn hennar.

12. Formaður nefndarinnar gerir grein fyrir fyrirhuguðu starfi nefndarinnar á árlegum haustfundi stjórnar með formönnum nefnda og fleiri aðila. Nefndin ber ábyrgð á að réttar upplýsingar berist stjórn félagsins í tæka tíð hvað varðar efni frá nefndinni sem birta á í fréttabréfi félagsmiðstöðvanna - á haust- og vorönn. Félagsmiðstöðvar eldri borgara í Bugðusíðu og Víðilundi gefa fréttabréfið út.
13. Formaður nefndarinnar flytur skýrslu um starfsemina og fjárhagslega stöðu á aðalfundi félagsins. Skýrslan miðast við tímabilið á milli aðalfunda. Skýrslan er afhent í handriti á aðalfundi og jafnframt send á rafrænu formi til ritara félagsins.
14. Nefndin ber ábyrgð á rekstri sínum. Brýnt er að tekjur og gjöld hvernar ferðar séu í jafnvægi. Verði sjóðmyndun í starfi nefndarinnar er sá sjóður óháður sjóði félagsins. Bankareikningar nefndarinnar skulu skráðar á kennitölu félagsins og hefur gjaldkeri félagsins skoðunaraðgang að þeim. Prókúru hefur nefndin sjálf. Komi til þess að ferðanefnd verði lögð niður rennur sjóður nefndarinnar inn í sjóð félagsins.
15. Þurfi nefndin á fjárstyrk að halda úr sjóði félagsins vegna tiltekinna verkefna, kaupa á tækjum eða búnaði þarf hún að senda stjórn félagsins skriflega umsókn þar að lútandi. Í umsókninni þarf að koma fram hvernig styrknum verði varið.
16. Nefndin leitast við í störfum sínum að efla starfsemi félagsins á sínu sviði með þróun og nýbreytni. Hún ásamt öðrum nefndum og stjórn félagsins efnir til viðhorfskannana meðal félagsmanna, þegar henta þykir, á þeirri afþreyingu og tómstundastarfi sem í boði er á hverjum tíma.
17. Á árlegum aðalfundi félagsins eru kosnir fulltrúar í nefndina til eins árs. Sami aðili má aðeins sitja í sömu nefnd samfellt í fjögur ár. Nefndarmaður sem ekki ætlar að gefa kost á sér til endurkjörs í nefndinni á næsta aðalfundi skal láta stjórn félagsins vita um ákvörðun sína fyrir 5. janúar það ár.
18. Um aðra starfsemi vísast í lög félagsins sbr. 5.,6., 9. og 10. grein.
19. Stjórn félagsins getur á hverjum tíma endurskoðað og gert breytingar á starfslýsingu þessari telji hún þess þörf. Samráð skal haft um breytingar við nefndina.
20. Starfslýsingu þessa skal endurskoða eigi síðar en í árslok 2019.

Þannig samþykkt af stjórn félagsins þann ----- 2016